

# **Муфтий Нуриддин Холиқназар ҳазратлари Ислом олами уюшмаси олий кенгашига аъзо бўлдилар**



18:54 / 23 апрель 400

2024 йил 23 апрель куни Саудия Арабистони пойтахтида энг нуфузли ташкилот ҳисобланган Ислом олами уюшмаси олий кенгашнинг 46-йиғилиши бўлиб ўтди.

Ўзбекистон мусулмонлари идораси раиси, муфтий Нуриддин Холиқназар ҳазратлари Ислом олами уюшмаси олий кенгashi аъзолигига қабул қилинганлари тўғрисида ушбу йиғилишда қарор қилинди. Ушбу аъзолик муфтий ҳазратлари фаолиятлари давомидаги тўртинчи йирик ташкилотга аъзо бўлишларидир. Булар – Халқаро мусулмон уламолари кенгashi (Қатар), Мусулмон донишмандлар кенгashi (БАА), Исломий фикҳ академияси (Саудия Арабистони) ва Ислом олами уюшмаси Олий Кенгashi (Саудия Арабистони) кабилардир.

Риёз шаҳрида бўлиб ўтган халқаро анжуманда Саудия Арабистони, Миср Араб Республикаси, Бирлашган Араб Амирлиги, Кувайт, Қатар, Туркия, Малайзия, Индонезия каби давлатлардан келган вазирлар, таникли уламолар, машҳур муфтийлар, профессор-олимлар, давлат ва дин арбоблари ҳамда халқаро исломий ташкилотлар етакчилари иштирок этди.

Шунингдек, Саудия Арабистони Бош муфтийси, Ислом олами уюшмаси

олий кенгаши раиси Абдулазиз бин Абдуллоҳ Ол Шайх, Масжидул Ҳаром ва  
Масжидун Набавий диний ишлари раиси, Масжидул-Ҳаром имом-хатиби  
шайх, Доктор Абдурраҳмон ибн Абдулазиз ас-Судайс, Миср Вақфлар ва  
Ислом ишлари вазири доктор Мұхаммад Мұхтор Жұмъа Мабрук ва Туркия  
Диёнат ишлари бошқармаси раиси Али Эрбөш кабилар қатнашди.

Ислом олами уюшмаси Баш котиби шайх Доктор Мұхаммад Абдулкарим ал-  
Исо жанобларининг тақлифига биноан Ўзбекистон мусулмонлари идораси  
раиси, муфтий Нуриддин Холиқназар ҳазратлари ушбу анжуманда  
иштирок этди.

Анжуманда бутун жаҳонда тинчлик-осойишталикни қарор топтириш,  
хусусан, Фаластин ва Ғазо мінтақасидаги вазиятни тинч йўл билан ҳал  
этиш, ислом уммати бирлигига эришиш, айрим мусулмон  
мамлакатларидағи нохуш ҳолатларни ислоҳ қилиш, Роҳинжа  
мусулмонларининг ҳақ-ҳуқуқларини ҳимоя қилиш, диний рамзларнинг  
таҳқирланиши, айниқса, Қуръони каримни ёқиши каби ҳолатларга мутлақо  
йўл қўймаслик ва исломофобия хатти-ҳаракатларининг олдини олиш каби  
ўта муҳим масалалар муҳокама қилинди.

Сўзга чиққан нотиқлар Яқин Шарқда қуролли қарама-қаршиликлар  
оқибатида тинч аҳоли вакиллари, аёллар ва ёш болалар ҳалок бўлаётгани,  
кескинлик кун сайин мураккаблашиб, қурбонлар сони ортиб бораётгани  
сабабли зудлик билан Ғазодаги ўт очишни, ҳарбий ҳаракатларни  
тўхтатиш, бегуноҳ аҳоли ва фуқароларни ҳимоя қилишга чақириш  
баробарида Фаластин муаммосини адолатли ҳал этишга даъват этдилар.  
Йиғилиш якунида тегишли қарорлар ва баёнотлар қабул қилинди.

Шуни ҳам эслаб ўтиш керакки, ушбу ташкилотга юртимиздан илк бора  
фазилатли шайх Мұхаммад Содиқ Мұхаммад Юсуф ҳазратлари қабул  
қилинганлар.

### **Шайх Мұхаммад Содиқ Мұхаммад Юсуф роҳматуллоҳи алайҳ қўйидаги ҳалқаро ташкилотларнинг аъзоси бўлганлар:**

1. Маккаи Мукаррамадаги «Бутун Дунё Ислом Робитаси»нинг таъсис  
мажлиси аъзоси.
2. Бутун дунё тасаввуф уюшмасининг аъзоси.
3. Бутун дунё Исломий ҳалқлари бошқарувининг бош котибияти аъзоси.

4. Бутун дунё даъват уюшмаси аъзоси.
5. Бутун дунё Уламолари кенгаши уюшмаси аъзоси.
6. Исломобод шаҳридаги Бутун дунё Ислом уюшмаси аъзоси.
7. Маккаи Мукаррамадаги Бутун дунё муфаккир уламолари йиғинининг ижроия қўмитаси аъзоси.
8. Бутун дунё масжидлар уюшмасининг аъзоси.
9. Иорданиядаги Оли Байт муссасасига қарашли Исломий фикрлар академияси аъзоси.

Шунингдек, шайх ҳазратлари Миср Араб Республикаси, Либия Жамоҳирийяси ва Россия федерациялари каби қатор давлатларнинг фахрий унвон ва мукофотлари билан тақдирланганлар.